



Nov portal da justia dal Grischun

■ (cp) Sut la direcziun da la dretgira chantunala e da la dretgira administrativa ed en stretga collavuraziun cun las dretgiras districtualas han ins realisà ina preschientscha cuminaivla e per gronda part unifitgada da las autoritads giuridicas. Quest portal da justia è accessibel al public a partir dals 5 da favrer 2014 (www.giustia-gr.ch / www.justiz-gr.ch / www.giustizia-gr.ch). Ins ha vuli far in portal simpel d'utilisar e favuraivel per las burgais ed ils burgais e preschentar las autoritads giuridicas da maniera adequata e simpla. Persunas interessadas duain survegnir spert ina survista davart l'organisaziun da las autoritads giuridicas dal chantun ed in access direct a las infurmaziuns actualas.

Sin il nov portal sa preschentan las dretgiras (dretgira chantunala, dretgira

administrativa, dretgira chantunala per mesiras repressivas, 11 dretgiras districtualas), las autoritads da mediaziun (11 uffizis da mediaziun, 11 autoritads da mediaziun per dumondas da locaziun, l'Autoritad chantunala da mediaziun per dumondas d'egualitad), ils 25 uffizis da scussiu, ils 11 uffizis da concurs e las cumissiuns da surveglianza davart ils advocats ed il notariat (incl. registers correspundents). Diversas funcziuns gidan a chattar las infurmaziuns giavischadas. Ultra da la tshertga integrala è la retschertga d'autoritads degna da vegnir menziunada. Ella enumerescha las instanzas responsablas sin basa da la vischnanca endatada. En pli resumescha la retschertga da plazzas las publicaziuns da plazzas libras da tut las autoritads sin ina pagina.